

周
官
心
解

周官心解卷第二十二

諸暨楊莊蔣載康闡訂

秋官司寇第五之一

天地以秋成萬物秋官掌刑使民咸就於善而不變其象似之故曰

秋官司寇盜賊爲寇者先王制刑犯卽加濫而制刑本意主於刑寇民則不得已而施之審名官之義而先王之至仁可見矣

惟王建國辨方正位體國經野設官分職以爲民極乃立

秋官司寇使帥其屬而掌邦禁以佐王刑邦國

周官六

國大法此官以土四官冢宰則云掌邦治司徒則云掌邦教宗伯司馬則云掌邦禮邦政惟此官不云邦刑而云邦禁蓋刑則已犯而施禁則禁於未犯之先刑期無刑之意也

刑官之屬。大司寇卿一人。小司寇中大夫二人。士師下大夫四人。鄉士上士八人。中士十有六人。旅下士三十有二人。士主察獄訟者。孟子。臯陶爲士。士師。諸士之長。鄉士以下。皆得統之。鄉士主國中及近郊之獄。近郊王城外五十里。府六人。史十有二人。胥十有二人。徒百有二十人。

遂士中士十有二人。府六人。史十有二人。胥十有二人。徒百有二十人。主遠郊之獄。遠郊自主城五十里外至百里。六遂之民所居也。○縣士中

士三十有二人。府八人。史十有六人。胥十有六人。徒百有六十人。主甸地之獄。甸地自遠郊外至家稍內。去王城百里至二百里。○方士中士

十有六人。府八人。史十有六人。胥十有六人。徒百有六

十人。主家稍大小都三采之獄。自王城二百里外至五百里。○誅士。中士八人。府

四人。史八人。胥八人。徒八十人。誅五嫁反。於王畿主四方之獄訟。兼送迎賓

客。○朝士。中士六人。府三人。史六人。胥六人。徒六十人。

朝直遙反。朝外朝。外朝爲聽大獄之所。故朝士掌之。○司民。中士六人。府三人。

史六人。胥三人。徒三十人。司民。本軒轅角二星。周以此名官。主民數。列職。秋官者。司

民之祀。大司寇主之。而獻其數。期刑官念天地之生而慎刑也。祀司民。獻民數。大司寇事。文列小司寇。誤。

司刑。中士二人。府一人。史二人。胥二人。徒二十人。司刑。掌五刑。二

千五百條之灋。以麗獄訟之罪。司刑操定灋。主嚴使不敢犯。○司刺。下士二人。府一

人。史二人。徒四人。刺千賜反。司刺掌三刺三宥三赦之灋以變通司刑之灋。主寬故二官

相次。○司約。下士二人。府一人。史二人。徒四人。司約與司盟相次。恐

諸侯下及萬民以訟麗灋。故置司盟以主盟誓而蔽其書於司約。敗約而訟。卽加墨殺之罪。所以息訟而省刑也。

○司盟。下士二人。府一人。史二人。徒四人。書苗民罔

覆誼盟。此帝世所有事。執謂盟誼不及三王。穀梁之說似不可信。

職金。上士二人。下士四人。府二人。史四人。胥八人。徒八十

人。秋主金。職金掌罰金等。以罰代刑。亦寬恤也。○司厲。下士二人。史一人。徒

十。有二人。司厲掌沒盜賊任器貨賄及冢口刑。灋於寇極嚴也。○犬人。下士二人

府一人。史二人。賈四人。徒十有六人。賈音古。犬金畜司寇所奉。列職於

此猶司馬之有羊人小子也。○司圜中士六人。下士十有二人。府三

人。史六人。胥十有六人。徒百有六十人。圜於權反。民邪惡已麗灋而

非故犯故收之園土以教之。○掌囚。下士十有二人。府

六人。史十有二人。徒百有二十人。已麗於罪。罪當刑殺以協日未及囚繫以

俟及協日即付掌戮矣。○掌戮。下士二人。史一人。徒十

有二人。

司隸。中士二人。下士十有二人。府五人。史十人。胥二十人。

徒二百人。隸給勞辱之役者即下五隸也。司隸掌之。罪隸固盜賊家口四夷之隸亦先爲寇而獲之。

使爲賤役者也。五隸合六百人。故徒至二百人。○罪隸。百有二十人。註盜賊家爲奴者。

○蠻隸百有二十人

註征南夷所獲

○閩隸百有二十人

閩梅

○註閩南蠻之別

○夷隸百有二十人

註征東夷所獲

○貉隸百有二

十人

貉音陌。其餘謂之隸民。

王次點曰：四翟之民，南方蠻、閩、

東南之別。東方夷、貉、東北之聚落，不見西戎、北狄者。文王時，西有昆夷之患，北有儼狁之難，而道化先被於南。至武王，通道於九夷，八蠻所獲之民，服屬有素，故以爲隸。

布憲中士二人，下士四人，府二人，史四人，胥四人，徒四十

人。布憲，憲畿外刑禁，由中國外達四海，期天下不犯也。

禁殺戮，下士二人，史一人，徒十有二人。

禁官不得以濫行私而害民。

○

禁暴氏，下士六人，史三人，胥六人，徒六十人。

禁暴，禁奸民，又兼牧

奚隸出入。蓋奚隸本盜賊而人厭不可不嚴禁也。氏字疑誤增。下皆世事云。氏此職不必誤由與諸氏同列。

野廬氏。下士六人。胥十有二人。徒百有二十人。

野廬氏掌達國道路。

必徧知水陸經由之處。非世傳不可。故以氏名官。

此下二十二氏皆世職。

○蜡氏。下士四

人。徒四十人。

蜡。清預反音覲。註蜡。骨肉腐臭蠅蟲所蠟也。按掌鼂禁。聖王之至仁。列職刑官。示

當也。

刑。○雍氏。下士二人。徒八人。

雍。隄於用反。註。

雍。隄防止水者。○萍氏。

下士二人。徒八人。

萍。音平。註萍氏。主水禁。萍無根而浮。取其不沈溺。

○司寤氏。

下士二人。徒八人。

註寤。覺也。按主夜禁以防姦。

司烜氏。下士六人。徒十有二人。

烜。註音燬。又許遠虛。駕二反。祭祀主取明水火於

日月。列職秋官。取其明潔。註。烜。火也。讀如衛侯燬之燬。

○條狼氏。下士六人。胥六

人徒六十人。

條音滌。本官王八人，公六人，此六人，誤也。當作八。杜子春日：條當爲滌器之滌。註

滌除也。狼，

狼。扈道上。○脩閭氏，下士二人。史一人，徒十有二人。

十五家總門。此官主守閭。

冥氏，下士二人。徒八人。

冥迷形反。掩取猛獸以除害。

○庶氏，下士

一人。徒四人。

庶音煮。庶讀煮。除毒蟲之官。劉執中曰：毒蟲病人非一種。下士一人者，掌方書治

禁之。

○穴氏，下士一人。徒四人。

穴氏取蟄獸所藏者。

○翬氏，下士

二人。徒八人。

翬音翅。式至反。翬鳥翮。掌攻猛鳥而獻其翮。猛鳥爲鳥害，故攻之。

○柞氏，

下士八人。徒二十人。

柞側百反。柞除木以爲穀土。

○薙氏，下士二

人。徒二十人。

薙天計反。薙氏掌除草以爲穀土。

○蒼蒺氏，下士一人。徒

二人。若音摘。蒺蒼屋反。鄭司農曰。若讀搗。蒺讀爵。蒺之蒺。巢也。按若蒺氏。覆妖鳥之巢。爲民驅不祥也。

○翦氏。下士一人。徒二人。翦。剪除。主除蟲豸。○赤友氏。下士一

人。徒二人。友音拔。註。赤友。猶言。抹拔。主除蟲豸埋者。○蝮氏。下士一人。徒

二人。蝮音國。蝮。鼃龜也。掌除其物。蝮無害於人。亦除之。當爲祭祀等事。○壺涿氏。下士

一人。徒二人。涿。知角反。又音獨。註。壺。瓦鼓。涿。擊之。按。掌除在水爲民害者。○庭氏。下

士一人。徒二人。註。庭氏。主射妖鳥。命國中潔清如庭。○銜枚氏。下士二人。

徒八人。註。銜枚。止言語。謂謹也。枚。狀如箠。橫銜之爲。繼結於項。

伊耆氏。下士一人。徒二人。耆。巨夷反。註。伊耆。古王者號。始爲婚。以息老物。此主王之齒。

杖。以伊耆名官。或取其姓氏與疏。杖。老者所依。秋。長老之方。故在此。

大行人。中大夫二人。小行人。下大夫四人。司儀。上士八人。

中士十有六人。行夫。下士三十有二人。府四人。史八人。

胥八人。徒八十人。

大行人掌大賓大客之禮儀以親諸侯。小行人掌邦國之禮籍以貳大行人。

人司儀掌九儀以詔容儀辭令。行夫。主行人勞辱事而職邦國小事之使。三子澄問曰。大行人以下至掌交

九職所掌皆親邦國禮事不列禮官而列刑典何也。曰。此聖人之至仁也。刑者慘毒之事何忍用之於民。觀刑

典一官以司寇立名則刑之所加特盜賊為寇者耳。臣民違犯而用刑豈聖人之心哉。蓋至不得已也。思違犯

受刑不由禮也。而禮之顯耀莫如邦國朝覲聘問巡守會同。周公設大行人以下諸官既掌王朝賓客又并施

之列邦使皆準此以行賓禮庶王國至諸侯天下無不由禮而民亦從禮而不犯。又令諸官列於司刑之職并

令重禮慎刑而不為暴而刑措之治乃。環人。中士四

可循致也。是非至仁何以列職如此。

人史四人胥四人徒四十人

環環轉之義掌達節使用環天下又環衛賓客所操

故曰

○象胥每翼上士一人中士二人下士八人徒二

十人

註通夷狄之言者曰象胥有才知也按此主四夷之網小行人以下大夫四人掌禮之籍威儀煩稱屬之

司儀小事纖悉達之行夫衛其行李以送迎之責之環

人及六服之外蕃國入見雖不能同於中國之禮先王待之又特建象胥之官無往不接以禮天下亦何事刑

禁之防哉

○掌客上士二人下士四人府一人史二人胥二

人徒二十人

掌客掌賓客牢禮儼獻飲食之等數

○掌訝中士八人府二

人史四人胥四人徒四十人

訝五嫁反。掌訝掌與訝士送逆賓客又兼致積及

待

○掌交中士八人府二人史四人徒三十有二人

註

交結諸侯之好。○掌察四方。中士八人。史四人。徒十有六人。○

掌貨賄。下士十有六人。史四人。徒三十有二人。二官闕不可強

言以上例之大約亦掌賓客中事者

朝大夫。每國上士二人。下士四人。府一人。史二人。庶子八

人。徒二十人。大行人以下主邦國此朝大夫掌都鄙故與都則列行人諸官之後國大小都也言

國該家註此王之土也使主都家之國治而命之爲朝大夫云按庶子不命故列下士之下亦朝大夫屬官

○都則中士一人。下士二人。府一人。史二人。庶子四人

徒八十人。註都則主都家入則者也當言每都如朝大夫及都司馬云○都士中士

二人。下士四人。府二人。史四人。胥四人。徒四十人。家士

亦如之。都士家士則掌都家之獄訟三月當上大司寇聽斷者故秋官終於此註都家之士治都家獄訟以告方士者也亦當言每都

周官心解卷二十二終

周官心解卷第二十三

諸暨楊莊蔣載康闢訂

受業姪孫

式九君錫

校刊

秋官司寇第五之二

○大司寇之職掌建邦之三典以佐王刑邦國詰四方

起詰

吉反。大司寇掌刑威天下之不善者令歸於善也。刑不避貴勢。灋乃無不行。故首及刑。邦國之典。建者。因諸侯有罪而建。必三典。輕重貴得宜也。詰。嚴。一曰。刑新國。飭。因加刑於有罪而並使四方知戒也。

用輕典

新封之國未習於灋故刑輕

二曰。刑平國。用中典

承平守成之國有違

犯不得過輕過重故用中典

三曰。刑亂國。用重典

亂國既無紀綱灋度又舉國同邪致

周官心解

卷二十三

秋官

大司寇

一

經筵堂

有篡弑叛逆之大惡，濫當極重，註重典，伐滅之，愚謂五刑皆重科。

以五刑糾萬民。

此萬民不專庶民說，五刑皆司寇之灋，以所施之地而別為五也。糾，糾督之。使歸於

善

一曰野刑。上功糾力。

註功，農功。力，勤力。按農事無功在情，以刑糾之，乃不敢不勤力。

而自進於有功。下四者放此。

二曰軍刑。上命糾守。

註命，將命。守，不失部伍。

三曰

鄉刑。上德糾孝。

註德，六德。善，父母為孝。

四曰官刑。上能糾職。

註能，能其

事也。職，職事修理。

五曰國刑。上愿糾暴。

暴，依註作恭。愿，質厚。增良註，暴當為恭，字之

誤也。按此五刑不及宮中之刑者，官刑建於小宰，統於大冢宰，非司寇所得與也。又司刑五刑，墨劓宮別殺此五刑，以所上所糾不同而異。若罪犯已麗於灋，則仍用司刑五者，此野刑等分列其目，輕重等差，一一詳明

可知。

以園土聚教罷民

罷音皮。民不能強於善而爲惡，故曰罷民。此卽地官司救民之有過失者，註

園土，獄城聚羅民其中，困苦以教之爲善也。按此罷民罪過已麗於灋，以非故犯，故納諸園土而不用司刑之

灋。凡害人者，實之園土而施職事焉，以明刑恥之。

實支試反

。害人爲眾人患害也，此爲害大不同。下害州里之近則已麗於灋，可知猶未忍終棄之，而加司刑之罰，非故犯也。故於園土繫教之，庶困悔而改。註實置也。施職事以所能役使之，明刑善其罪惡於大方，著其背，按亦去冠飾。上罪三年，舍中罪二年，舍下罪一年，舍此不及，見司園。

○其能改者，反于中國。

不齒三年。

註反於中國，舍之還故里，不齒不得以年次列於平民。愚按玉藻編冠元武，不齒之服也。

○其不能改而園土者，殺。

註出逃亡。

以兩造禁民訟，入束矢于朝，然後聽之。

造七報反，又昨早反。朝直遙反，下同。

○訟因事而爭所告未及大罪者註造至也按使訟者兩至面質其事庶僞者畏憚而輸服所以禁民訟也卽既至不遽聽也又使入束矢不入是自服不直而誣罔可罪亦所以禁之也迨既至既入而聽之直者還其矢曲者沒入而又加罪則罰與刑交及而無情者自不敢訟惟大司寇爲然若訟於庶官必無入矢之事下入金同註一弓百矢束矢百個

○以兩劑禁民獄入鈞金三

日乃致於朝然後聽之

劑子隨反。獄以大罪相告劑

劑掌於司約者訟必餌而辟藏不信者墨大亂六官辟藏不信者殺情虛不敢辟藏所謂禁民獄也三十斤爲鈞金赤金銅也入金示堅猶入矢示直朝外朝左九棘之下致之於此以聽獄也必三日乃聽猶冀獄解訖不解而聽之直者反其金曲者沒入而加罪也約劑必有兩必兩遣皆入乃聽若一人入約劑一人不入卽可坐以虛罔之罪

以嘉石平罷民。

註嘉石文石也樹之外朝門左按平者爲罷民險陔故坐諸嘉石令改悔以平之

凡萬民之有罪過而未麗于灋而害于州里者桎梏而

坐諸嘉石役諸司空重罪旬有三日坐期役其次九日

坐九月役其次七日坐七月役其次五日坐五月役其

下罪三日坐三月役使州里任之則宥而噲之

桎音質梏古毒

反。此卽地官司救民之有邪惡者罪過邪惡之人罪出於過誤也麗附也未附於灋而害於州里其罪較輕故不納圖土而坐諸嘉石也當去冠飾加明刑此不云明刑文已見司救木在足曰桎在頸曰梏坐日桎梏役時脫之註役諸司空坐日訖使給百工之役也役月訖使其州里之人任之乃赦之宥寬也按嘉石罷民與圖土罷民殊別旣宥而舍無反國不齒事可知然使州里任知州里加檢束矣任猶保保其後不爲邪惡也

以肺石達窮民

肺芳愛反。註肺石赤石也。按形如肺故曰肺石。樹外朝門右窮民見下與犬僕窮

民凡遠近惇獨老幼之欲有復於上而其長弗達者立

於肺石三日。士聽其辭以告於上而罪其長。

惇其營反長知丈反

。遠九州近畿內註無兄弟曰惇無子孫曰獨按老無子孫幼無父兄其家丁壯以冤誣死欲申理於上而其長弗達長與通謀過抑之也立於肺石下三日士即聽辭告上而罪其長則與爲申理可知矣上王及大司寇士朝士士師等長諸侯若鄉遂大夫及都鄙長官皆是

正月之吉始和布刑于邦國都鄙乃縣刑象之灋于象魏。

使萬民觀刑象挾日而斂之。

縣音懸挾子協反。先王制刑之灋威赫難犯使民

觀象使知所避

凡邦之大盟約，泄其盟書而登之于天府。

註：泄，臨也。按天府，春官天府藏

重器者，大司寇刑官之長，大盟必泄盟書，示背盟刑不貸也。盟書已告明神，登於天府，亦神明奉之。此所登盟書之正疏。大盟約，王與諸侯大會同而與盟約誓之辭也。大史內史司會及六官皆

受其貳而藏之。

會，古外反。大盟約盟書所係甚重，防竄易故要官皆藏其貳。貳，盟書之副。大

史內史列職，春官近王要職，爲王可按按也。司會治典要職，故亦藏貳。六官則六職之長，王之大臣，各藏其貳以爲異日勘按之地，不信而敗盟者，安所述其罪與。

凡諸侯之獄訟，以邦典定之。凡卿大夫之獄訟，以邦灋斷

之。凡庶民之獄訟，以邦成弊之。

弊，必世反。獄訟以重罪告訐，以輕中重三典

定。諸侯獄訟也。邦灋有八辟之麗，以議親議故議賢八者斷卿大夫之獄訟也。邦成，非士之八成，乃治典中八

成所謂比居簡稽版圖入者皆庶民之執據一成而不可變故以此弊庶民之獄訟或謂邦典邦灋既不出刑典邦成不應舍本官而外取不思士師八成二曰邦治二曰邦賊歷數至八無一非盜賊奸人爲不待教而誅者聖世設灋以待大懲豈有據此斷庶民之獄者乎此論不可通矣

大祭祀奉犬牲

疏犬屬西方金故司寇進之

○若禋祀五帝則戒之日

涖誓百官戒于百族

註戒之日卜之日也按卜得日犬宰誓於百官司寇涖之者不敬事

者行罰戒百族犬宰不與司寇親之百族庶人執事者若酒漿醢籩春餼諸人皆是○及納亨前

王祭之日亦如之

亨普庚反。納亨致牲於鼎而亨之燭於鑊在前享用明水火出於秋官

司短司寇當贊前王親爲王道也凡大禮必司寇前王故納亨前王祭之日又前王也按日終日納亨以後王有事於門外○奉其明水火
註明水火取於日月者按司短取明水火而列職秋

官故大司寇奉之亦取嚴肅清明之義

凡朝觀會同前王大喪亦如之

大喪前王未殯前王尸既殯前王柩事死如生也與

大喪遷尸大僕扶右射人扶左同義

大軍旅蒞戮于社

社社主在軍者

凡邦之大事使其屬蹕

註屬士師以下蹕止行也按大祭祀大賓客大軍旅大田獵后之喪

皆大事也王出大司寇皆令其屬蹕王介甫曰小司寇國之大事使其屬蹕事在國中而已大司寇邦之大事使其屬蹕則事通國野愚謂小司寇不應與大司寇同彼大事作小事爲妥

○小司寇之職掌外朝之政以致萬民而詢焉一日詢國

危二日詢國遷三日詢立君

掌字下當有建邦二字外朝在庫門外臯門內事

至大，致萬民而詢之，詢問以所謀也。詢國危，有兵寇，問何以守。詢國遷，問徙都，可否何所爲善。詢立君，國無適長，庶者孰賢，或王乏嗣而選宗支也。六卿之貳皆有建，惟小司馬文闕，司空全闕，無所考。其他若小宰建邦之宮刑，小司徒建邦之教灋，小宗伯建國之神位，無不特有所建，列於文首，而小司寇不然，大非體例。及觀後朝士職文首云：掌建邦外朝之灋，乃知此係後儒竄改。移易不可不改而正之也。夫朝士，上士也，徧觀全經，有以上士建灋者乎？上推治教禮三官，有以卿貳中大夫之尊而無建者乎？然則小司寇無建，而朝士反有建，此竄易之顯然者矣。爰改移以復其舊。

○其位王南鄉，三公及州長百姓北

面，羣臣西面，羣吏東面。

鄉許亮反，長知丈反。百姓，卽萬民。州長帥之，則六鄉之民也。

司徒之教六鄉最備，賢能之所萃，故詢之。三項事異，皆當三詢。一詢羣臣，北面之三公及在西面者，再詢羣吏，在東面者。三詢萬民，百姓從州長北面者，三詢總以萬民爲重。羣吏諸侯之臣也。朝士職云：右九棘，公侯伯子

男位焉羣吏在其後諸侯不親至。○小司寇擯以敘進而其卿大夫在王廟故亦東面也。而問焉以眾輔志而弊謀。弊必世反。擯揖之使進敘。三訊之敘也。事大難肩志易恆怯。詢之而萬眾同心則志強謀大難斷訊之而萬眾協一則謀定而可決弊斷也。

以五刑聽萬民之獄訟附于刑用情訊之至于旬乃弊之

讀書則用灋

五刑即大司寇糾萬民者野刑軍刑鄉刑官刑國刑是也附猶麗刑司刑之五刑墨

劓宮刑殺是也訊亦問附於刑可以弊矣用情訊之以求其致罪之實冀有可出也得其情而猶不遽弊必至旬乃弊審慎以求可出者無所不至也用灋即司刑五刑之灋用墨用劓皆是是皆聖世所授允當之律不同後世意爲重輕者書刑書及罪狀用灋必讀書使受刑者無怨人知懲戒也。

○凡命夫命婦

不躬坐獄訟

此以命夫命婦該王族與下節皆互文爲對獄發尊註躬身也

不躬坐必使其屬若子弟喪服傳曰命夫者其男子之爲大夫者命婦者其婦人之爲大夫妻者愚按喪服言諸侯之大夫子男之

大夫一命則一命亦不躬坐獄矣王一命之士一命之婦亦不躬坐獄可知

○凡王之同族

有罪不卽市

此以王族兼命夫命婦觀下掌囚掌戮可見鄭司農云刑諸甸師氏禮記刑於隱者

不與國人慮兄弟按記文王世子釋經者不及殺偏

以五聲聽獄訟求民情

此已附於刑恐其濫失而以情訊之乃有此五聽之求也情民致犯

之實情也非聽者竭己之實心以求之亦無由得故此經繫承上來疏呂刑惟貌有稽在獄定之後此五聽亦

在要辭定訟恐其濫失更一曰辭聽辭屈者當罪訊之而以五聽觀之以求民情也

而辭直者二曰色聽訊之而色懼者當罪訊之而色恚者含冤也三曰氣聽

應出也

訊之而氣怯者當罪、訊
四曰耳聽、訊之而聽眩者當罪、
之而氣憤者負誣也、

信也、五日目聽、訊之而目眊者當罪、訊之而目瞭者心無
色氣耳目之異皆于辭見而辭亦

自有回邪正順矯誣誠實之不同、
故五聽辭居其一而總曰五聲也、

以八辟麗邦瀆、附刑罰、辟亦瀆也、邦瀆、司刑五刑之瀆、大

之責者不可概施刑、故有八辟之麗以寬之、附刑、即前
經附於刑、謂議以八瀆而仍在刑瀆中也、則又審其情

罪、許出罰、緩以贖刑、曲禮刑不上大夫、周家之忠厚如此、卜年卜世宜矣、一日議親之辟、親

族親、議其差等、辟有定瀆、差等攸分、亦不可
易如親者罪降幾等、至親降尤多也、下放此、二曰議

故之辟、故、舊知、舊與王同、三曰議賢之辟、賢、德行
學齒序及相好、交推、四曰

議能之辟、能、才能、卓越、五日議功之辟、功、勳、銘、犬常、六曰議貴之

辟

貴列爵於朝

七日議勤之辟

勤盡瘁事國

八日議賓之辟

賓諸侯來

朝及聘臣或夷使

以三刺斷庶民獄訟之中

刺七賜反斷丁亂反。此專以庶民之罪言以在上者既有八

辟之議又有罰以贖罪且下不得議上也刺殺也以當殺與否三訊也前此弊罪既再三審慎此則既弊之後又三訊也然此一條專就死罪言罪固當死或此民素日爲善可以原宥又加三訊斯不至重輕失宜而得中故三訊特重訊萬民三刺掌於司刺又兼三宥三赦之法以司刺立名重死罪三刺亦於外朝羣臣西面羣吏東面萬民從三公州長北面一日訊羣臣二日訊羣吏三日訊萬民

一訊羣臣以當刺訊羣臣二訊羣吏訊羣臣後又以當刺訊羣吏也三訊萬民

既訊羣吏之後又

以當刺訊萬民也○聽民之所刺宥以施上服下服之

刑註宥寬也民言殺殺之言寬寬之鄭剛中曰上服服
上刑也下服服下刑也按所刺宥誤之而以爲當刺
當宥也羣臣羣吏各有刺宥而聽於民從眾爲公也上
服民以爲當刺者民言當宥則下服矣如殺降爲則爲
宮則是也然下服中亦有死罪考司刑殺罪五百則
斬降而殺殺降而磔亦下服也凡以協乎中而已矣

及大比登民數自生齒以上登于天府

比必里反上時掌反○民數司民掌

之而主之大司寇司寇刑官主秋秋物成故登民數以
刑官而職此期以生民爲念而無枉濫也註大比三年
大數民也人生齒而體備男八月生齒女七月生齒
按自及大比至制國用蓋大司寇文而誤入小司寇者
當還大

○內史司會冢宰貳之以制國用

疏得民數乃制國用以國

用出於民也按民五人授下田六人授中田七人授上
田七人以上又加餘夫之田至十人析之而授下田二
夫下此四人三人二人各授餘夫之田有差民數
之多寡允賦斂多寡所係故必據此以制國用

小祭祀奉犬牲。凡禋祀五帝，實鑊水，納亨亦如之。

鑊，戶郭反。亨，普

庚反。惟小祭祀奉犬，降於大司寇。禋祀，鼎鑊，皆用明水。故鑊水，鼎水，皆小司寇實之。鑊以燭，鼎亨則熟之。

大賓客，前王而辟。

辟，婢亦反。大，字當作小。大賓客，即朝覲會同。大司寇已前王矣。此當是小賓

客。四夷之君來朝及其臣來聘也。前王爲道，辟，辟除使行者辟也。

○后世子之喪亦如

之。

亦前尸，柩而辟。

小師，涖戮。

征伐，王不親行而遣將者爲小師。涖，戮亦戮於社時。涖之。

○凡國之大事，使

其屬蹕。

大當作小。小祭祀，小賓客，小喪紀，小事也。王出，小司寇令其屬蹕，屬，上士以下。

孟冬祀司民，獻民數于王，王拜受之，以圖國用而進退之。

此又大司寇文而誤入者。註司民，星名，軒轅角也。按有大民，小民，二星。大司寇於孟冬祀此二星，而獻民數於

王也。註進退猶損益。國用民眾則益，民寡則損。按此每歲事，民數歲不同。遇泰時則風凶札則寡，此圖國用亦耳。或曰：安見此爲大司寇文？曰：民爲王之所天，其獻至重。王且拜受，會可以此大事職之。其貳者乎？考司民職及三年大比，以萬民之數詔司寇。直云司寇不云小司寇也。又云：司寇及孟冬祀司民之日，獻其數於王。王拜受之，登於天府。又云：司寇不云小司寇也。此爲大司寇文。而誤入於小司寇，斷然無疑矣。此二十二字當在及大比二十七字之前。上接大史內史司會及六官皆受其貳而藏之。下。

○歲終則令羣士計獄弊訟登中于天府。

歲終

一歲之弊不少矣。又令羣士各計未結者，另存未上。他若邦典所定，邦瀆所斷，邦成所繫，取已定之讞案而登諸天府，則謂之中。此輕重得宜，堪垂準則於天府。見協於天心，不敢少私也。此經十五字，亦大司寇文。上接凡庶民之獄訟，以邦成弊之下。大祭祀奉犬牲之前。大司寇登於天府者三，其一，大盟約，其一，大比，民數一。

爲弊獄之中事皆類次斷不容割裂經文強移小司寇文中也

正歲帥其屬而觀刑象令以木鐸曰不用灋者國有常刑

令羣士

李茂夫曰令羣士三字疑衍文

○乃宣布于四方憲刑禁

五官皆於

正歲帥屬觀象而此更於正歲令布憲也布憲於正月之吉執旌節以宣布小司寇於此正歲先下布憲令明年正月徧布邦國都鄙及四海也正歲前而正月後顯然矣註宜徧也憲懸之按刑禁大司寇之三典五刑小司寇之八辟邦灋士師之八成刑也士師之五禁五戒禁也註專言士師之五禁徧○乃命其屬入會乃致事

會古外反。此歲終事得屬之計令致之王與冢宰李茂夫謂此當在正歲之上不

知正歲爲周正子月故也

○士師之職掌國之五禁之灋以左右刑罰一曰宮禁二

曰官禁。三曰國禁。四曰野禁。五曰軍禁。皆以木鐸徇之。

于朝。書而縣于門閭。

左右音佐。佑縣音懸。註左右助也。按左右刑罰。令民知禁。不犯司

寇五刑。及小宰官刑也。官王宮。小宰有官刑。官官府。司寇有官刑。國此兼城中及鄉。司寇有國刑。鄉刑。野甸地。司寇有野刑。軍軍中。司寇有軍刑。鄭剛中曰。徇於朝。示貴者。縣於門閭。示賤者。按閭二十五家。其門爲閭。門概。廣宮禁。縣宮門。官禁。縣府門。國禁。城中縣城門。城外縣閭門。野縣里門。里亦二十五家。同於閭。軍禁。縣軍門。以五戒。先後刑罰。毋使罪麗于民。一曰誓。用之于軍旅。二

曰誥。用之于會同。三曰禁。用諸田役。四曰糾。用諸國中。

五曰憲。用諸都鄙。

先後刑罰。先戒之。不從而後用刑罰也。此因舉大事。慮民易犯。故先戒之。

誓猶誓神之誓。言灋必不貸。軍中尚嚴。故用之。誥者。詳明徧告。會同。王有從軍。諸侯各以師從。恐淆雜不整。故

用誥禁者禁止田役獲禽易爭故用禁國中都鄙無事何須戒戒則因兵寇而飭守也國之守貴至嚴故用糾糾者嚴詞以繩切之都鄙紛錯不能徧戒但頒戒而令縣之憲濩也縣憲各都鄙使其長嚴戒也

掌鄉合州黨族閭比之聯與其民人之什伍使之相安相

受以比追胥之事以施刑罰慶賞

閭比毗至反比追必里反。刑典主嚴禁

寇賊故以司寇名官此掌捕寇之濩而與教職聯事地官族師五家爲比十家爲聯五人爲伍十人爲聯四閭爲族八閭爲聯使之相保相受刑罰慶賞相及相共又小司徒會萬民之卒伍五人爲伍五伍爲兩四兩爲卒五卒爲旅五旅爲師五師爲軍以比追胥此皆教職中事而追胥之令則出刑典刑罰慶賞胥士師職之故列於此也相安因相保而安也相受者閭之二十五家外此不受寇無所容隱矣追追逐胥交相伺察二者必同心同力乃可相濟故比之而齊同者慶賞不協力者刑罰也

掌官中之政令

註大司寇之官府中也

愚謂據此

○察

獄訟之辭以詔司寇斷獄弊訟致邦令

弊必世反。鄉遂縣方諸士各

以獄訟上大司寇大司寇所統至多豈能徧察士師四人乃共審察其辭知其情罪當死當刑以詔大司寇然後大司寇審之而斷弊乃無誤也致邦令者大司寇已弊之獄當死當刑下所司行之亦士師掌事也此又六官通例知大宰以下五官凡羣吏取正官裁決者皆宰夫等察之以詔正官而正官乃決之既決而令羣吏又以付宰夫等而正不與矣此宰夫與士師等所以爲攷也與攷考核也故主察攷成事也故致令

掌士之八成

此八成與小宰八成大別彼八成以執據顯然一成不可變故云成此則橫逆之徒罪大

惡極律無降原亦一成不可變故云成也八條專爲寇設司寇之所以名官以此士以刑除寇者也司寇以下六十屬皆士八者士所一曰邦洵洵上藥反。邦洵倡其執故以士之成言

伏地流忽穴地而起突高數尺猶齊邦賊聚之跽蹶然言邦約使一邦盡駭也眾志殺

賊害官吏為賊間謀句三曰邦謀倚恃賊四曰犯邦令黨距違

百姓者引乘機為亂五曰橋邦令稱詐詔六曰為邦盜攻劫倉

及擄掠稱詐詔七曰為邦朋張角結連三十八曰為邦誣妖

言以惑眾如劉福通埋隻眼石人造童謠以倡亂八者皆以邦言圖危宗社非止害於氓庶也

若邦凶荒則以荒辯之辯讀如字。凶凶札荒饑

乘隙治之以荒辯之饑乃可消彌所謂荒辯者地界各

別歲之美惡所在不同即荒地亦有差分分別而敷治

如下云云是也劉迎日上饑發上年之粟中饑發
中年之粟下饑發下年之粟皆自荒辯之○令
移民通財糾守緩刑移民者就豐賤通財移豐地之財
於荒地以給之糾守正防禦八項

奸慝之政，下荒地糾實，次荒地糾嚴，上荒地糾極嚴也。緩刑寬荒地平民刑濫，而特嚴於入項奸慝也。

凡以財獄訟者，正之以傅別約劑。

傅音附，劑子隨反。此見庶民獄訟以邦成弊。

之也。小宰八成，四曰聽稱責以傅別，七曰聽賣買以質劑。一爲民間以財假貸，一爲民間以財市易，以財訟者莫切於二項，故舉以示例。知其他政役比居等皆一一以八成爲馮斷矣。與士之八成無異。

若祭勝國之社稷，則爲之尸。

刑陰類，勝國之社稷，揜上棧下不受天陽，又北牖以通死。

氣陰莫甚焉，易彥祥曰：媒氏，男女之陰訟，聽於勝國之社，類也。此祭勝國之社稷，以刑官爲之尸，亦類也。按獄訟旣成，士師協日刑殺，所司尤陰慘，故以爲勝國社稷尸。

王燕出入，則前驅而辟。

大司寇，大祭祀前王，大賓客前王，小司寇，小賓客前王，而辟皆禮事。

此王燕出入，非禮事，士師前驅而辟，差降之等秩然，疏燕出入宮苑皆是。

祀五帝則沃尸。及王盥。洎饗水。

洎其具反饗戶郭反。李寶之曰沃尸及王盥沃尸

盥及王盥也。按祀帝禮隆意沃盥當用明水。祀五帝小司寇賁饗水。故士師增之。與沃盥無涉。洎饗水亦明水。

祀五帝沃尸及王盥餘沃盥者疏甚明晰。疏小祝大

祭祀沃尸盥小臣大祭祀沃王盥如是則冬至夏至及

先王先公小祝沃尸盥小臣沃王盥矣。鬱人云凡裸事

沃盥惟在宗廟禋時。按此又兼大賓客言。以諸侯來朝

行禮於廟上公再裸而酢侯伯

一裸而酢子男裸而不酢也。

凡刳珥則奉犬牲。

刳音機珥音珥而志反。註珥讀珥。刳

毛物惟刳用之。及鷓雞從犬。大司寇大祭祀奉犬小

司寇小祭祀奉犬士師則鬯事奉犬亦差降之等也。

諸侯爲賓則帥其屬而蹕于王宮。

註諸侯來朝大喪亦如

之大司寇文所謂凡邦之大事使

其屬蹕也。士師六十屬之長。

大師帥其屬而禁逆軍旅者與犯師禁者而戮之。

註逆軍旅反將

命也犯師禁，千行陳也。按禁於先，不從禁乃戮。

歲終則令正。要會正歲，帥其屬而憲禁令于國及郊野。

終歲

令正，要會爲小司寇，欲致事於冢宰。正歲，子月小司寇宣布於四方，憲刑禁。士師又於是月憲禁令，宣布於四方，所及遠。此憲於國及郊野，所及近。蓋國中郊野爲王所自治，惟恐民易視而違犯，故於此正歲先憲而示之。聖主刑期無刑之至意也。憲國及郊野，已下鄉遂縣三士矣。

○鄉士掌國中。王都城，中至近郊，方百里之地。於此制六鄉，所謂國中。長子徐錦曰：國中宜專指王

城內言曰：地官鄉大夫國中，自七尺至六十，野自六尺至六十，有五皆征之。此國中，城中也。野則近郊以內，此顯據也。鄉士所掌，斷以此爲限。註文不可從。國中占地方百里，除宅田、工田、賈田外，盡民居。各掌其

鄉之民數而糾戒之。

註鄉士八人四人分主三鄉按鄉遂縣三士皆各掌民數以其地爲

王所自治也糾戒於民數糾戒之恐其陷於罪也

○聽其獄訟察其辭辨其獄

訟異其死刑之罪而要之旬而職聽于朝。

朝直遙反聽獄訟訊之

也察辭以五聲求情也辨又精思以別之則當死當刑已得其槩而不敢自擅也又分當死當刑之罪而錄其全案舉切要者而標識之至旬日乃上諸朝與眾共聽也居鄉遠者五十里近者在城故以旬爲限職眾職朝外朝三子澄曰辨獄訟獄重訟輕當別異上之○司寇聽之斷其獄弊其訟于

朝羣士司刑皆在。各麗其瀆以議獄訟。

此職聽於朝也訟入東矢獄入

鈞金在此時職聽舉司寇重正官也羣士小司寇以下士師鄉士中士十六下士三十二司刑掌五刑刑罪二千殺罪五百皆掌之故聽訟必與也瀆卽司刑所掌各麗其瀆以議獄訟羣士各援一條以擬此案司寇乃酌

而取之。斷獄入鈞金以聽者，其罪重。弊訟，入東矢以聽者，其罪輕。斷弊皆司寇主之。○獄訟成，士

師受中。協日刑殺肆之三日。

獄訟成，案定也。註中者，刑罰之中。協日刑殺，協合也。

和也。和合支幹善日。若今舉後利日也。按刑殺在鄉士刑殺之日，出於士師肆之三日，肆於市三日，示厭令懲戒也。此據死罪言。刑罪不肆。

○若欲免之，則王會其期。

會於司寇聽

刺三訊之瀆而加宥赦也。

大祭祀，大喪紀，大軍旅，大賓客，則各掌其鄉之禁令。帥其

屬夾道而蹕。

註屬中士以下。按四者皆邦之大事，蹕以司寇之令。士師蹕宮中，鄉士蹕城中，及近

郊。固降殺之差。此及遂士所蹕，則各因地分禁。如郊祀不得喪服，哭於道等令。如令汜埽反道也。參疏。大祭祀祭天地四時迎氣及廟中大享，大喪紀葬所經由，大軍旅王行所經，大賓客四方諸侯來朝，各由一方出入，並

過六鄉是故各掌其鄉之禁令。

三公若有邦事則爲之前驅而辟其喪亦如之。

爲於僞反辟音闕後

並同。王燕出入士師爲前驅而辟鄉士爲三公邦事前驅而辟差降之數秩然。

凡國有大事則戮其犯命者。

疏大事征伐田獵之大事故戮犯命也。

○遂士掌四郊。

四郊自近郊五十里外至百里遠郊爲限皆六遂之民所處四郊占地三同除官田

牛田牧田賞田外皆民居

各掌其遂之民數而糾其戒令。

註遂士十人二人

分主一遂

○聽其獄訟察其辭辨其獄訟異其死刑之罪而

要之二旬而職聽于朝。

去王城至近五十里遠者百里故二旬乃上事於朝也。

○

司寇聽之斷其獄辨其訟于朝。士司刑皆在各麗其

漢以議獄訟獄訟成士師受中協日就郊而刑殺各于

其遂肆之三日○若欲免之則王令三公會其期

主不親往

亦三訊

可知

若邦有大事聚眾庶則各掌其遂之禁令帥其屬而蹕

黃文

叔曰大事即大祭祀大喪紀大軍旅大賓客也鄉舉其目遂舉其凡按鄉土蹕國中近郊此遂士蹕遠郊各蹕所掌之地也

六卿若有邦事則爲之前驅而辟其喪亦如之

爲於僞反鄉士爲

三公前驅而辟此爲六卿亦降殺之差

凡郊有大事則戮其犯命者

亦犯命於所掌之地故戮之

○縣士掌野

野卽甸地自百里遠郊之外至二百里以甸地之民爲王田作供稅故名野必以縣士主

之蓋萬有二千五百家爲遂二千五百家爲縣甸皆公邑各分二千五百家爲邑治之故以縣名非縣地之縣

也甸占地十二同

各掌其縣之民數

縣士三十二人各主一縣之民糾

其戒令而聽其獄訟察其辭辨其獄訟異其死刑之罪而要之三旬而職聽于朝司寇聽之斷其獄弊其訟于

朝羣士司刑皆在各麗其瀆以議獄訟獄訟成士師受

中協日刑殺各就其縣肆之三日

此以三旬土事以甸地近者百餘里遠者

二百里故也

○若欲免之則王命六卿會其期

亦司刺三訊可知鄉獄王

親聽遂獄令三公此令六卿降殺之差也

若邦有大役聚眾庶則各掌其縣之禁令

惟言大役不言大事以甸地之

眾以田作為重惟大役乃調邦之大事亦地遠不及也若其地有大事亦縣士各掌禁令可知

若大夫有邦事則為之前驅而辟其喪亦如之凡野有大

事則戮其犯命者

為于偽反。遂士為六卿前驅而辟此為大夫亦降殺之義

○方士掌都家

註都王子弟及公卿之采地家大夫之采地大都在置地小都在縣地家邑在稍地

不言掌民數民不純屬王

聽其獄訟之辭辨其死刑之罪而要之三月而上獄訟于

國

註三月乃土要又變朝言國以自有君異之

○司寇聽其成于朝羣士司

刑皆在各麗其灋以議獄訟

註成平也疏成采地之士所平斷文書

○獄

訟成士師受中書其刑殺之成與其聽獄訟者

註都家之吏自

協日刑殺但書其成與治獄吏姓名備反覆有失實者

凡都家之大事聚眾庶則各掌其方之禁令

註方士十六人各掌其方

四人主一方也其方以王事動眾則爲班禁令

以時脩其縣瀆若歲終則省之而誅賞焉

縣瀆小司寇正歲宣布於四方

者小司寇下布憲布憲於正月又宣布於都家而令縣之以示民也時一歲四時帝王刑瀆胥囚天時故隨時

脩飭歲終四時徧矣故省之誅誅玩瀆者賞賞遵瀆者蓋誅賞都家之士或其屬註誤

凡都家之士所土治則主之

治直吏反。註都家之士都士家士也按所土治都家士

以所治小訟土方士也治小不應煩大司寇方士則專主斷之也註誤

○訝士掌四方之獄訟。訝五嫁反。諸侯之民來王國而有獄訟，則訝士掌之。 ○論

罪刑于邦國。

既已定罪施刑，則以其罪其刑告其君也。獄大者，其先亦上司寇斷弊可知。

○

凡四方之有治于士者，造焉。

造七報反。四方諸侯以事乖爭，須司寇斷弊者必

先詣訝士，訝士乃士之司寇也。士司寇以下皆是。

○四方有亂獄，則往而成之。

註亂獄，若君臣宜淫上下相虐，按亂獄罪大，遂斷或失其實，故訝士受命往聽也。訝士以獄上王，與司寇弊之或刑，或殺，復下訝士施行，所謂成之也。惟亂國乃有亂獄，此司寇職中所謂用重典者。

邦有賓客，則與行人送逆之，入于國，則爲之前驅而辟野。

亦如之。居館，則帥其屬而爲之蹕。誅戮暴客者，客出入

則道之，有治則贊之。

爲竝于僞反道音導。以其掌四方獄訟，待士治者得造之，故兼賓

客之送逆也。此行人大小行人之屬。掌訝也。有治賓客自治其臣屬也。訝士誥刑律。故贊賓客治訟。

凡邦之大事聚眾庶則讀其誓禁。邦之大事軍旅田役也。

而讀誓禁也。士師以五戒先後刑罰。一曰誓。三曰禁。此讀誓禁以軍旅聚讀誓以田役聚讀禁也。

○朝士掌建邦外朝之灋。左九棘。孤卿大夫位焉。羣士在

其後。右九棘。公侯伯子男位焉。羣吏在其後。面三槐。三

公位焉。州長眾庶在其後。左嘉石。平罷民焉。右肺石。達

窮民焉。朝直遙反。長知丈反。罷音皮。建邦二字本小司寇文而誤竄於此。謹去之以復經文之舊。棘

急也。有刺能傷物。刑之嚴急似之。又吉也。凶事桑上吉。事棘上。有吉祥之義。刑不善而人知反善。刑之吉祥似之。左植九取三。孤六卿之數。孤以下皆內臣。有主道。故位左。羣士卿大夫諸屬也。右植九取上。公命數。侯伯七

子男五皆從上公九命遞降也諸侯外臣有賓道故位
右羣吏公之孤及諸卿槐之言懷也有懷愛懷來之義
情罪可疑懷愛之而不忍置灋乃來萬民以訊之而加
宥赦故植槐以標之面天子南向之面也植三固合三
公位數且木數三其德仁仁者好生三槐面王令左九
三三右九三三咸取準於玉面也州長帥眾庶在三公
後而不言鄉大夫鄉大夫卽六卿已位於左也眾庶卽
六鄉萬民小司寇三日訊萬民王欲免之而親會其期
正訊此眾庶也外朝在庫門外臯門內嘉石肺石皆在
臯門內嘉石左屈罷民肺石右伸窮民大司寇民之罪
過未麗於灋者桎梏而坐諸嘉石使畏罪而平其不平
民之惇獨欲復於上而其長弗達者立於肺石三日士
聽其辭而告於王所以達其冤抑聽辭帥其屬而以鞭
之士卽此朝士此王視外朝之位

呼趨且辟

辟音關朝來觀者眾朝士令其屬各執鞭叫呼趨走

朝士胥六徒六十其屬也王御外

以驅之且令辟開

毋迫近此節觀者○禁慢朝錯立族談者

註慢朝臨朝不肅敬也錯

立族談違其位傳語也。按此禁約束在位者。此二者王視外朝朝士所執之禮。

凡得獲貨賄人民六畜者委于朝告于士旬而舉之大者

公之小者庶民私之

此三項皆失於人者或遭刳刺或竊取或欺誘或已遺亡得獲之必

委置外朝告於朝士必旬乃舉俟其主來議不來識則大者入官小者給得之之人人民或奴婢或子女疏告於士得物之人告朝士

此外朝平時之禮

凡士之治有期日國中一旬郊二旬野三旬都三月邦國

期期內之治聽期外不聽

國期音基餘並如字。國中一旬據鄉士郊二旬據遂士

野三旬據縣士都三月據方士邦國期據訝士期內聽期外不聽疏謂省煩息訟按亦恐日遠無據易為讓也

此聽訟於

外朝之禮

凡有責者有判書以治則聽

貴側賣反。此十二字疑當在凡民同貨財節之下判半

分可合者但持其半以訟也。有責以物貸人也。責以判書爲執馮故但入判書仍聽之也。與凡屬責節支背而事相類。此下五節爲士通例於朝士著之。以外朝爲聽獄訟之總所故也。

○凡民同貨財

者令以國瀆行之犯令者刑罰之

鄭司農曰同貨財者合錢共買按以國瀆

行之物必合度量淳制而又無飾僞遇關市則輸稅而不避是也。犯令者反是故加刑罰。此令出於朝士故及之。同貨財者先告朝士可知。在近郊內告鄉士遂告遂士旬告縣士三采告方士皆可。

○凡屬責

者以其地傳而聽其辭

屬如字或音燭傳音附。屬責一責而輾轉相屬亦輾轉責償

者也。傳傳別小宰八成聽稱責以傳別云地傳者傳別出其地之長官猶質劑出於市之質人非民間得以私造故云地傳令轉相貸者各呈地傳也。又恐情緒多事不易晰故各令供辭以聽之。

○凡盜賊軍

鄉邑及家人殺之無罪。

鄭司農曰盜賊羣輩若軍攻盜

賊本可殺至眾盛若軍且爲國患又變起一時不暇上請殺之且受賞夫何罪

○凡報仇讎者

書于士殺之無罪。

疏士朝士按既先殺人其人應死或以其事告而朝士書之異日殺以報讎即無罪也殺人

罪重即鄉告鄉士遂告遂士無不上達於朝而朝士書之者疏以士爲朝士良然

若邦凶荒札喪寇戎之故則令邦國都家縣鄙慮刑貶。

豫定小司寇縣之於正歲而使宣布四方士師亦於正歲帥屬而憲於國中郊野正月之吉布憲執節而宣布於邦國都鄙及四海皆爲一歲定禮若邦有凶荒札喪寇戎則刑禮宜寬以在下不敢自擅故下令命之使貶損也云慮令酌於害之淺深以土而司寇定之可知此變通之禮由朝士下者

○司民掌登萬民之數。自生齒以上皆書于版。辨其國中

與其都鄙及其郊野。異其男女。歲登下其死生。

登土也。司民以

登民數爲職。生齒見前註。版戶籍下法也。每歲更著生去死。按國中據六鄉。自城中至近郊。都鄙三等采地。皆自城中至近郊。準王鄉。郊王遠郊。制六遂。都鄙遠郊亦準遂。野甸地。王甸分縣制邑。都鄙之甸亦準王甸。辨者國中如干。都鄙如干。王之郊及野如干。都鄙之郊及野如干。皆別其數。異其男女。雖同一家。注別男女。不令淆雜。歲登下其死生。著生去死。歲歲書之。

及三年大比。以萬民之數。詔司寇。司寇及孟冬祀司民之

日。獻其數于王。王拜受之。登于天府。內史司會。冢宰貳

之以贊王治。

比必里反。會古外反。註司民。軒轅角也。疏。軒轅十七星。如龍形。有兩角。角有大民

小民註三官貳佐王治當以民多少黜陟主民之吏按內史掌入枋以詔廢置司會贊大宰逆治均節財用太宰則頒職征稅制國用考功黜罪無所不統故皆受民數之貳以贊治也又按詔司寇不言小司寇祀司民亦不言小皆大司寇也然則小司寇及大比一節孟冬祀司民一節當歸於大司寇

○司刑掌五刑之灋以麗萬民之罪墨罪五百劓罪五百

宮罪五百別罪五百殺罪五百

劓魚器反別音月。刑止於五五刑各五百條

罪入五刑者惟一條得其中得中者爲當灋故司刑掌其灋以麗民罪也註墨黥也刻其面以墨塗之劓截其宮丈夫割勢女子閉宮中若今宦男女也別斷足也周改贖作別殺死刑也書傳決關梁踰城郭而畧盜者其刑贖男女不以義交者其刑劓非事而事之出入不以道義姦充盜攘傷人者其刑墨降畔寇賊劫畧奪攘擄度者而誦不祥之辭者其刑墨降畔寇賊劫畧奪攘擄度者其刑死此二千五百罪之目畧也夏刑大辟二百贖辟

三百宮辟五百劓墨各千周則
變焉所謂刑罰世輕世重者也

若司寇斷獄弊訟則以五刑之濇詔刑罰而以辨罪之輕

重

註詔刑罰者處其所應不按司刑掌刑濇麗罪必辜
釐不爽司寇弊鄉遂等獄司刑必與羣士皆在以此

○司刺掌三刺三宥三赦之灋以贊司寇聽獄訟刺七馬

刺殺也按訊當殺與不註宥寬赦舍也按皆贊之於外
刺鄉士之獄欲免之則王會其期遂獄三公會縣獄六

卿會獄皆三刺○壹刺曰訊羣臣再刺曰訊羣吏三刺曰訊萬

民○壹宥曰不識再宥曰過失三宥曰遺忘註識審也
不審如仇

讎當報甲見乙以爲甲而殺之過失若舉刃砍伐
而軼中人遺忘若聞帷薄忘有人而兵矢投射之○壹

赦曰幼弱再赦曰老旻三赦曰蠢愚旻本又作蠢莫報
反蠢丑江反又書

雍禘用二反。鄭司農曰：幼弱、老旄，若今律令年未滿八歲，八十以上，非手殺人，他皆不坐。王介甫曰：幼而不弱，老而不耄，愚而非蠢，則不在所赦。○以此三瀆者，李茂夫曰：三宥如減等三赦，則全放之。

求民情，斷民中，而施上服下服之罪，然後刑殺。日，以此

三瀆求民情，斷民中，情重者上服，情輕者下服，或刑或殺，各得其罪而無疑。按司刑之瀆，嚴如今律司刺之

瀆寬如
今例

○司約，掌邦國及萬民之約劑。治神之約爲上，治民之約次之。治地之約次之，治功之約次之，治器之約次之。治

擊之約次之。劑，子隨反。下同。此六約，不得擊據當俟考。應說不敢從也。亦有邦國與萬民盟

約之劑，如春秋傳周之東遷，伯與之祖，七姓從王，王賴之而賜之駢旄之盟，以要約而盟，必有約劑矣。下司盟

入于司兵。

賈音嫁。鄭司農曰：任器貨賄盜賊所用兵器及所盜財物按辨物數量畧同前職金買

而楊之各書其買而標楊之亦當用璽於職金例見疏入司兵給治兵刃之用也。按司兵當入要於司厲亦於職金例見於司兵亦無考文關可知。

其奴男子入于罪隸女子入于春槩。

春書容反槩音稿。註：奴從坐沒入官者

男女同名按竊盜罪輕亦可爲奴入罪隸卽爲罪隸也入春槩入地官春人者爲女春抗入槩人者爲女槩皆奴也竊盜鞭朴刑者可入罪隸若墨刑劓刑卽各與守職不入罪隸矣。

凡有爵者與七十者與未齣者皆不爲奴。

註：初觀反。有爵命士以上

齣毀齒也男入歲毀齒女七歲毀齒按七十日老筋力衰故鄭剛中曰盜賊之罪宜加以無餘刑故親戚皆從其家有爵者老幼者特免爲奴。

○犬人掌犬牲。凡祭祀共犬牲，用牲物。伏瘞亦如之。全瘞

於例反。犬，金畜。司寇奉犬，故列職。秋官鄭司農云：牲，純物，色也。伏，伏犬，以王車轅之瘞。埋祭，爾雅祭地曰瘞。

埋。○凡幾珥沈辜，用騏可也。騏，模江反。鄭司農曰：爾雅祭川曰浮沈，大宗伯職

以埋沈祭山林川澤，以醢辜祭四方百物。騏，不純色也。註幾，讀創，珥，當爲顛，創，顛者，覺禮之事。

凡相犬牽犬者屬焉，掌其政治。相息亮反。註相，視擇，知其善惡。疏，犬有三種，一田

犬，二吠犬，三食犬。若田犬吠犬，觀其善惡。若食犬，觀其肥瘠，故皆相之。牽犬者，呈見之，少儀犬則執繩是也。

○司圜掌收教罷民。罷，蒲宜反。此卽地官司救民之有過失者，罪重於嘉石之罷民，故於圜

土收教之，與嘉石平罷民同。見大司寇而此獨詳之，爲有司圜一職也。○凡害人者，弗使

冠飾而加明刑焉，任之以事而收教之，能改者，上罪三

年而舍。中罪二年而舍。下罪一年而舍。其不能改而出

圖土者殺雖出三年不齒

註弗使冠飾者著墨幪若古之象刑按此司寇文所無大

司寇僅云能改反於中國此更詳上中下三罪而著其年數司寇舉其要此專職備詳也事司空事職也晝役司空夜則收歸圖土

凡圖土之刑人也不虧體其罰人也不虧財

註刑人但加以明刑罰人

但任之以事耳按不虧體振屬自備仍可爲公卿大夫不虧財爲善有藉易於治德行道藝著圖土收教之善也

○掌囚掌守盜賊凡囚者上罪桎。中罪桎。下罪

桎。王之同族。羣有爵者桎。以待弊罪。

桎古毒反羣音拱桎之實反弊必世

反○註凡囚者非盜賊自以他罪拘者也按掌囚本守盜賊凡囚者亦令守之在頸曰梏卽易之何校在足曰桎卽易之履校註中罪不葦下罪又去桎王同族及命士以上雖有上罪或葦或桎而已按待弊罪卽待刑殺與治訟弊罪不同疏古五刑不入囹圄土使身居三木掌囚守之

及刑殺告刑于王奉而適朝士加明梏以適市而刑殺之

及刑殺士師所協日告刑包告殺適朝不桎欲行不梏將加明梏以著罪也此言庶民就刑殺故云適市此節就鄉士之囚說故云告刑於王若遂士縣士等囚亦告於其士而已此朝據王朝若外官則署正室之庭可集眾者亦朝也此市亦城中後市郊甸等處各有市各就市刑殺遺人五十里有市是也此加明梏者固鄉士若郊甸刑殺亦遂士縣士加之此刑戮於掌戮掌戮殺死罪於市刑則適市後刑於掌戮署中書五刑三就宮下寘室刑不於市亦加明梏以

○凡有爵者與王之同族適市明其罪以示懲服也

奉而適甸師氏以待刑殺

甸師氏天官甸師爲王耕種籍田者適甸師待刑殺有爵

與王族不合就市也此所適不加明梏殺者葬加明窆待刑殺待掌戮也掌囚主守盜賊下掌戮以斬殺賊

謀爲首此皆寇也司寇之名官可知矣

○掌戮掌斬殺賊謀而搏之

謀音牒搏作膊匹各反○註斬以鈇鉞若今要斬殺以刀

刃若今棄市按賊謀爲賊偵探反間者多本土人爲之非常惡可比故罪大者斬次者殺而又加膊肆也註搏當爲膊按既斬殺又去衣而露體肆之○凡殺其親者焚之殺王之親者

辜之殺其親如子弑父弟賊兄妻殺夫皆是焚燒也辜磔之○斬殺而膊及焚辜不著地從下例之皆於

市也

凡殺人者踣諸市肆之三日刑盜於市

踣步克反○凡殺人者十一字標殺

人死罪以為下麗罪之例刑盜四字見此施於盜不為他罪例也註踏僵尸肆陳也按刑盜於市言盜即不殺而刑無不於市也刑該墨劓刑及鞭扑等小罪惡盜深雖野竊微賊及賊未入手亦刑於市著此見刑庶民皆不於市書五刑三就可推○凡罪之麗於灋者亦如之唯王之同族

與有爵者殺之於甸師氏凡罪麗灋承上殺人來見即不殺人而罪麗死灋者亦踏

市肆之不就市殺惟此二項示死罪無不在市也殺於甸師氏所謂刑於隱者不踏不肆者也

凡軍旅田役斬殺刑戮亦如之軍旅有軍市田役亦從軍制斬殺賊謀以下凡死罪

刑戮墨劓以下不死者或於市或不於市掌戮刑殺一一如前也

墨者使守門註黥者無妨於禁禦劓者使守關註截鼻以貌醜遺之宮者使守

內註以人道絕也刑者使守圍註斷足驅衛禽獸無急行髡者使守積註門反

積子賜反。○註此出五刑之中而髡者必王之同族不
宮者宮之爲翦其類髡頭而已守積積在隱者宜也
按五者皆罪不及死而受刑既刑不得與齊民齒矣既
刑又不得受田里出征稅從役以供王職就中若宮刑
二項尤殘毀不能事事若不爲之所卽轉於溝壑與死
罪何異邪聖王立制仍加保全各因能以任職而予之
養既保其生仍令爲朝廷服勞而於國有裨仁至義盡
之道也此五者無關罪隸入罪隸者盜賊之家未受此
五刑者也使既受刑尙可從司隸搏盜賊囚執人爲奮揚威武之事與

○司隸掌五隸之灋辨其物而掌其政令

註五隸罪隸四翟之隸也物衣

服兵器之屬

帥其民而搏盜賊役國中之辱事爲百官積任器凡囚執

人之事

搏音搏爲于僞反積如字○註民五隸之民按當兼其徒二百人辱事下賤所爲任器用器官

司隸

卷二十三 秋官

司隸

罪隸

二

臣

署中所需者凡百官需器皆司隸預爲積聚斯用不匱也搏盜賊擒之囚執人逮繫有罪也

邦有祭祀賓客喪紀之事則役其煩辱之事

註煩猶劇士喪禮下篇隸

人溼

掌帥四翟之隸使之皆服其邦之服執其邦之兵守王宮

與野舍之屬禁

註野舍王行所止舍屬遮列也按與苑

刀劍西方北方衣璽裘執弓矢鄭剛

○罪隸掌役百官府與凡有守者掌使命之小事

令力呈反○爲

百官府及凡守者

役使令小事也 ○凡封國若家牛助爲牽徭

徭步退反○封

國若家建諸侯及大夫家邑也中包大小都之封牛助牽徭車轅內一牛前又一牛左右各一牛一隸牽前牛

為牽左右各一隸牽犊牛為

○其守王宮與其厲禁者

後若無前牛亦三人牽犊

如蠻隸之事王昭明日不應未言蠻隸而先言如蠻隸之事疑閩隸脫簡而誤入於此

○蠻隸掌役校人養馬其在王宮者執其國之兵以守王

宮在野外則守厲禁

疏校人良馬乘一師四圍不見隸蓋雜役之按養馬下疑脫掌與獸

言四字

○閩隸掌役畜養鳥而阜蕃教擾之

閩梅中反○而阜蕃六字疑掌畜文而誤

入者然下豨隸有而教擾之四字則惟阜蕃二字當去耳掌役下疑更有一掌字掌畜之官養鳥閩隸為役使也教擾之句下更脫掌與鳥言句又脫其守王宮者與其守厲禁者如蠻隸之事一十六字

○掌子

則取隸焉

五字疑衍文

○夷隸掌役牧人養牛馬與鳥言

疑當作掌與獸言鄭司農云夷狄之人或曉鳥

獸之言春秋傳介葛盧聞牛

鳴日是生三犧皆用之矣

○其守王宮者與其守屬禁者如蠻隸之事

○貉隸掌役服不氏而養獸而教擾之掌與獸言

貉孟白反

○其守王宮者與其守屬禁者如蠻隸之事

周官心解卷第二十三

終